

եւ Դշի (4 Փետր.). քիւրէկն հանեցին:

եշի (5 Փետր.). Մինաս վարդապետն եկաւ:

Ուրբաթի օրս (6 Փետր.) պատրիզն Հոռոմոց մտեալ ընդ փաշան, տեսեալ զգործս յառաջմանէ. և օրս վէ- ղիրն խիւայեաց զնա և զորս ընդ նմա՝ կապալ զգե- ցուցանելով, և Բ թղթիւք ել ի տանէ վէղիրին և ոչ գիտացաք թէ զի՛նչ էր ի թղթին:

Շաբաթս 7 (Փետր.) ննձրեւ էր:

Կիրակի (8 Փետր.). գիշերիս բազում մարդիք սպանեալ էին յԱթմէյտանն: Որ Բարեկենդան ասի մեծ, ի Մղտեսոնցն էաք: Աւուրքս և յամենայն օր վէղիրն ի շուրջ գալր և եթէ ոք հանդիպէր նմա անդ՝ զնոսին սպանանէր, և եթէ յոյր տեղ մի ձայն ելանէր բարձր և կամ արք ոմանք ի մի տեղ հաւաքեալ՝ մը- տանէր անդ, զոմանս գանեալ և զոմանս սպանեալ և զոմանս հնարիւք կորուսանէր կամ ի ծովն ձգէր. և ի գիշերն էր շուրջ գալն նորա, և երթալր յԱսկիւ- տարն եւ յամենայն սահմանս նորա, եւ ծովեզերիս զղահվէթանէքն կործանեալ, և զորս գտանէր ի միա- տեղ եկեալ՝ սպանանէր: Եւ յաւուրս եղեալ հարկ ի վերայ Սառաճթանի եղեալ արուեստաւորացն Տաճ- կաց, զի տացեն սուրսէթ, այս է՝ զին յարդի և զար- ւոյ, վասն պատերազմին իւրեանց. և նոքա ի մի վայր հաւաքեալ նշանաւոր արանցն և խորհուրդ արարեալ զի փակեցեն զամենայն խանութս և զշուկայս քա- ղաքիս և ի մի վայր գումարեալ մտցեն ի թագաւորն գանկատ ի ձեռանէ նորին: Այլ ոմանք ոչ կամեցեալ զայս՝ գտեալ զմի էմիր զոմն անուանի, զնա ուղար- կեալ առ վէղիրն թէ Մեք ունիմք գիր ի թագաւորէն վասն ոչ տալոյ զայսպիսի հարկս: Եւ նա առեալ զխէ- թիշերիֆն և զնացեալ մօտ առ վէղիրն, և զառաջինն խօստ ասացեալ վէղիրն թէ ունիք զուք գիր ի թա- գաւորէն՝ տուք ինձ անպատճառ. և նա ասէ թէ Զայն